

կազմութեան մէջ¹⁹ յամն 1630. «Հոկտ. 22. Տէր Նիկողայոս Թորոսենց... զգաւանութիւն ուղղափառ հաւատոյ արար ի Լէօպօլիս՝ առաջի Պ. Պ. Միքայէլի ad Annunciatione Բրօվէնցեալին Կարմելիդաց Եղիայի a SSmo Sacramento Բրիօրին Կարմելիդաց Լէօպօլսի եւ Տ. Թօմասու Էլժանովսքի Յիսուսեան եւ այլոց բաղմաց»:

Այս առթիւ կ'ողբայ Սիմէոն դպիր Եպիսկոպոսին առած քայլն, եւ ի մէջ այլոց կը բացազանչէ.

Ո՛հ, ո՛հ, թէ ի՞նչ բան քեզ արարին.

Հազար ափսոս քո սուրբ հօտին.

Աստուած առնէ վրէժ նոցին,

Որ դքեզ ի քո հօտէն հանին:

Եկեղեցին, որ հայ դատաւորներու կողմէն փակուած էր ամբարփակ կղպանքներով, բռնի ուժով բացուեցաւ եւ յանձնուեցաւ Եպիսկոպոսին: Ստեփանոս Ռոչքա²⁰ յամն 1630 հետեւեալ մանրամասնութիւնները կը հաղորդէ Եկեղեցւոյ դրաման մասին. Նիկողայոս եպիսկոպոսն «ժողովեալ զգօրականս ոմանս եւ դպրոցականսն Լեհաց, հանդերձ քահանայիւք եւ մեծամեծօքն Լատինացւոց զայս առ մեծ դուռն Եկեղեցւոյն. եւ զհայրապետական զգեստսն զգեցեալ՝ հրամայէ արուեստաւորաց բանալ. որոյ բացելոյ՝ ինքն սկսանելով զերզն «Զքեզ Աստուած գովեմք»

¹⁹ Հմմտ. Կամենից, էջ 138:

²⁰ Անդ, 138: